

CYPE(6)-04-23 - Papur i'w nodi 8

Julie Morgan AS/MS
Y Dirprwy Weinidog Gwasanaethau Cymdeithasol
Deputy Minister for Social Services



Llywodraeth Cymru
Welsh Government

Eich cyf/Your ref
Ein cyf/Our ref JMSS/0160/23

Jayne Bryant
Cadeirydd
Y Pwyllgor Plant, Pobl Ifanc ac Addysg
Senedd Cymru
Bae Caerdydd
Caerdydd
CF99 1SN

seneddchildren@senedd.cymru

20 Ionawr 2023

Annwyl Jayne,

Diolch ichi am eich llythyr dyddiedig 16 Rhagfyr 2022 ynglŷn â cham-drin plant yn rhywiol.

Roeddwn yn falch o allu bod yn bresennol yn y Grŵp Trawsbleidiol ar Atal Cam-drin Plant yn Rhywiol ar 15 Rhagfyr, er mwyn rhoi diweddariad ar y Cynllun Gweithredu Cenedlaethol ar gyfer Atal ac Ymateb i Gam-drin Plant yn Rhywiol.

Byddwch yn gwybod fy mod wedi cyhoeddi Datganiad Ysgrifenedig ar 29 Tachwedd 2022 i gyd-fynd â chyhoeddi Adroddiad Cyflawni'r Cynllun Gweithredu Cenedlaethol, a oedd yn disgrifio'r gwaith a wnaed drwy gydol cyfnod tair blynedd y Cynllun a ddaeth i ben ym mis Mehefin 2022. Roedd y cynnydd a gafwyd yn erbyn amcanion y Cynllun Gweithredu Cenedlaethol yn nodedig, yn enwedig o ystyried bod hynny wedi digwydd yn ystod pwysau digynsail y pandemig. Rwy'n parhau i fod yn ddiolchgar i'r Grŵp Trawsbleidiol am ddarparu adborth a chraffu adeiladol drwy gydol oes y Cynllun.

Er mwyn llywio'r Cynllun Gweithredu Cenedlaethol nesaf, mae Llywodraeth Cymru wrthi'n ystyried adroddiad terfynol yr Ymchwiliad i Gam-drin Plant yn Rhywiol – a gafodd ei gyhoeddi ar 20 Hydref. Hefyd, byddwn yn ymgynghori â rhanddeiliaid, gan gynnwys pobl ifanc ac oedolion sydd â phrofiad bywyd, er mwyn sicrhau ein bod yn ystyried eu barn wrth lunio'r Cynllun Gweithredu Cenedlaethol nesaf. Yn y cyfamser, mae'r Byrddau Diogelu Rhanbarthol wedi ymrwmo i barhau â'r gwaith y mae ei ffocws yn seiliedig ar y camau gweithredu yn y cynllun gwreiddiol, ac rwy'n ddiolchgar am y gwaith hwnnw.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Julie.Morgan@llyw.cymru
Correspondence.Julie.Morgan@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Roedd yr adroddiad terfynol a gyhoeddwyd gan yr Ymchwiliad yn nodi ei argymhellion terfynol. Mae 20 o argymhellion, ac mae chwech ohonynt yn rhai y bydd Llywodraeth Cymru yn ymateb yn uniongyrchol iddynt. Rhoddir chwe mis i bob adran yn y Llywodraeth ddarparu ymateb sy'n amlinellu a yw argymhelliad yn cael ei dderbyn yn llawn, ei dderbyn yn rhannol, neu a yw heb gael ei dderbyn o gwbl. Mae swyddogion yn ymgysylltu â swyddogion cyfatebol yn Llywodraeth y DU i drafod yr argymhellion, a sut y gellid bwrw ymlaen â nhw yng Nghymru ac yn Lloegr. Mae'r gwaith o ddatblygu llinell amser yn mynd rhagddo, er mwyn ymateb yn briodol.

Mae'n bwysig bod y gwaith o ymateb i argymhellion terfynol Ymchwiliad yn cyd-fynd â'r gwaith o ddatblygu iteriad nesaf y Cynllun Gweithredu Cenedlaethol ar gyfer Atal ac Ymateb i Gam-drin Plant yn Rhywiol. Roeddwn yn awyddus i sicrhau bod dull cydgysylltiedig ar waith er mwyn i'r Cynllun Gweithredu Cenedlaethol nesaf adlewyrchu gwaith pwysig adroddiad yr Ymchwiliad mor llawn â phosibl. Bwriedir i'r Cynllun nesaf hefyd fod yn weithredol am gyfnod o dair blynedd.

Mae'r sefydliad Plant yng Nghymru wedi cael ei gomisiynu i arwain rhaglen i ymgysylltu â rhanddeiliaid, a dechreuwyd ar y gwaith yn gynharach y mis hwn. Bydd yn gyfle i bartneriaid ddarparu adborth ar feysydd sydd eisoes wedi cael eu nodi fel meysydd gweithredu, ac i nodi unrhyw faterion pellach y dylid eu hystyried fel rhan o'r cam nesaf. Rhagwelir y bydd hyn yn gyfle pellach i ystyried argymhellion yr Ymchwiliad.

Bydd Lywodraeth Cymru wedyn yn datblygu cynllun gweithredu drafft. Byddwn yn ymgysylltu â'r rheini sydd â phrofiad bywyd a rhanddeiliaid o wahanol asiantaethau er mwyn ymgynghori â nhw ar y cynllun drafft ym mis Mehefin/Gorffennaf 2023. Bydd hyn yn ein galluogi i gyhoeddi cynllun gweithredu ar gyfer atal ac ymateb i gam-drin plant yn rhywiol yn yr hydref 2023.

Nid yw hynny'n golygu y bydd unrhyw leihad yn y gwaith o atal ac ymateb i gam-drin plant yn rhywiol rhwng nawr a'r hydref 2023. Yn unol â'r rhwymedigaethau statudol sy'n cael eu disgrifio yn ein deddfwriaeth a chanllawiau, a'u hegluro yng Ngweithdrefnau Diogelu Cymru, mae'r dyletswyddau i ddiogelu plant sydd mewn perygl o gael eu cam-drin, eu hesgeuluso, neu eu niweidio, gan gynnwys cael eu cam-drin yn rhywiol, yn parhau mewn grym.

Rwy'n gobeithio bod hyn yn darparu digon o wybodaeth i'ch helpu i ddatblygu eich rhaglen waith.

Yn gywir



Julie Morgan AS/MS

Y Dirprwy Weinidog Gwasanaethau Cymdeithasol
Deputy Minister for Social Services